

DREJTORIA PËR ZHVILLIM EKONOMIK

RAPORTI TRE MUJOR JANAR-MARS 2023

Drejtoria për Zhvillim Ekonomik, ka vazhduar realizimin e aktiviteteve sipas Planit të Punës së Drejtorisë dhe gjatë kësaj periudhe kemi shënuar progres të jashtëzakonshëm sa i përket tërheqjes së investimeve dhe realizimit të aktiviteteve të cilat kanë ndikim të drejtpërdrejtë në zhvillimin ekonomik, lokal dhe ngritjen e standardit të jetesës së qytetarëve të komunës së Gjilanit.

Sa i përket investimeve kapitale, janë gjithsej 18 projekte të reja infrastrukturë publike dhe sociale të cilat do të realizohen në bashkë-financim me Komunën e Gjilanit dhe me mbështetjen financiare nga niveli qendror (MAPL, MZHR, MMPHI) dhe donatorë (QATAR CHARITY, Islamic Relief Kosova, Advancing together etj) të cilat kapin vlerën prej 6,819,512.41 (€). Marrëveshjet për bashkëfinancim të gjitha këtyre projekteve janë nënshkruar ndërmjet Komunës së Gjilanit dhe donatorëve gjatë tre mujorit të parë të këtij viti.

DZHE do të bashkë-financoj projektet me prioritetet në vlerën prej 2.797,798.15 (€) nga të cilat 3,671,720.49 (€) do të financohen nga donatorët.

Drejtoria e vlerëson këtë periudhë si jashtëzakonisht të suksesshme sa i përket investimeve kapitale të cilat kontribuojnë direkt në zhvillim ekonomik lokal.

Aktualisht janë gjithsej 22 projekte, prej tyre 18 janë projekte të reja, ndërsa 4 janë projekte në realizim e sipër sipas marrëveshjeve nga viti paraprak.

Në tabelat e mëposhtme janë paraqitur të gjitha projektet e reja të cilat priten të realizohen gjatë vitit 2023.

Nr.	Projekte te Investimeve kapitale permes kodit te bashkefinancimit gjate vitit 2023	Donatori	Vlera e projektit	Financimi nga donatori	BF nga DZHE/Komuna
1	Asfaltimi Rrugëve fsh. Gadish	MMPHI	100,000.00	100,000.00	-
2	Asfaltimi Rrugëve në Lagjen Vishnjet pjesa e dyte	MMPHI	108,410.00	67,764.00	40,646.00
3	Asfaltimi Rrugës ne fsh.Kokaj-Gjilan	MMPHI	100,000.00	100,000.00	-
4	Asfaltimi Rrugëve në fsh. Malishevë e ulët Faza-2	MMPHI	174,565.00	140,000.00	34,565.00
5	Asfaltimi Rrugëve Jonuz Terstena-28 Nentori dhe Krahët 1-5	MMPHI	308,100.00	250,000.00	58,100.00
6	Asfaltimi Rrugëve "Qefere Sadriu" dhe "Blerim Halil"	MMPHI	289,196.00	234,000.00	55,196.00
7	Asfaltimi Rrugëve ne lagjen Livadhet e Arapi	MMPHI	301,580.00	250,000.00	51,580.00
8	Asfaltimi Rrugëve ne F.sh. Burincë	MMPHI	345,685.00	280,000.00	65,685.00
9	Rregullimi i Trotuares dhe Ndrizimit /Haxhaj-Demiraj/	MMPHI	179,000.00	143,200.00	35,800.00
10	Proekti Kryesor per Rrugë - Nëna Terezë	MMPHI	512,625.00	410,000.00	102,625.00
11	Parku "Baja"	MAPL	249,989.50	87,500.00	162,489.50
12	Ndertimi i QMF	Qatar Charity	320,000.00	176,000.00	144,000.00
13	Perkrahja e familjeve me uje te pijshem ne fshatrat Bresalc, Ponesh dhe Livoq	Islamic Relief	156,521.74	79,826.09	76,695.65
14	Mamografia dhe laborator	Islamic Relief	157,846.40	93,430.40	64,416.00
15	Kult Qendra	MZHR	733,000.00	250,000.00	483,000.00
16	Projekti renovimi i parkut ekzistues afer stadiumit ndihmes te futbollit	Advancing together	33,000.00	10,000.00	23,000.00
17	Asfaltimi i rruges "Hamdi Kurteshi"	MMPHI	2,400,000.00	1,000,000.00	1,400,000.00
18	Masat e EE ne shfmu "Abaz Ajeti"	FKEE	349,993.77		
Gjithsej			6,819,512.41	3,671,720.49	2,797,798.15

Disa prej projekteve të investimeve kapitale sipas Marrëveshjeve me donatorë, janë planifikuar të realizohen për periudhën dy-vjeçare dhe priten të përfundojnë në vitin 2024 si në vijim projektet:

1.Kult Qendra

2.Zgjerimi dhe Asfaltimi i rrugës “Hamdi Kurteshi”

Ndërsa punimet që janë duke vazhduar për realizimin e 4 projekteve të bartura nga viti paraprak siç janë :

1. Asfaltimi i rrugës Livoq i Ulët-Livoq i Epërm,
2. Asfaltimi i rrugës në fshatin Haxhaj,
3. Terrenet sportive
4. Kanalizimi fekal Livoq i Ulët -Livoq i Epërm-lagjja Kodra e Thatë.

Nr.	Projekte te Investimeve kapitale (dy-vjeçare) permes kodit te bashkefinancimit nga viti paraprak
1	Asfaltimi I rruges Livoq I Eperm-Livoq I Ulet
2	Asfaltimi RrugëvAsfaltimi i rrugës ne fshatin Haxhaj
3	Terrenet sportive
4	Kanalizimi fekal Livoq i poshtëm-Livoq i Eperm-lagjja Kodra e Thate.

FONDI PËR NDËRMARRËSIT E RINJË

DZHE ka filluar përgatitjet me qëllim të lansimit për herë të parë të **“Fondit për Ndërmarrësit e rinj”** për subvencionim të bizneseve ekzistuese përfshirë ato të grave ndërmarrëse dhe biznese të reja start-up e cila pritet të publikohet në 3 mujorin e dytë të këtij viti.

Për këtë fond janë alokuar 150,000 Euro buxhet dhe deri me tani është duke u finalizuar metodologjia (Udhëzuesi për aplikant, Forma e Aplikacionit, Buxheti, Projeksionet etj) për Thirrjen “Fondi për Ndërmarrësit e rinj” për subvencionim të bizneseve me prioritet bizneset e grave ndërmarrëse dhe të rinjtë nga Komuna e Gjilanit.

Ky fond ka për qëllim të ofroj mbështetje zhvillimit të bizneseve si dhe përmirësimin e klimës të të bërit biznes përmes krijimit të mundësive më të mira për qasje në financa për bizneset të cilat kanë plane për zgjerim të afarizmit dhe ngritje të cilësisë së produkteve dhe shërbimeve.

DZHE, mbetet e përkushtuar të mbështes promovimin dhe zhvillimin e sektorit privat si dhe krijimin e vendeve të reja të punës.

SEKTORI I EFIÇIENCËS SË ENERGJISË

Një tjetër sektor tejet i rëndësishëm i kësaj drejtorie është edhe Eficienca e Energjisë. Gjatë kësaj periudhë të raportimit është përfunduar projekti për intervenim me masa të EE në shkollat “Mehmet Isai” dhe “Rexhep Elmazi” të financuara nga FKEE.

Të gjitha punimet janë përfunduara me sukses si dhe është bërë inaugurimi i tyre.

Me 25 Janar 2023, është nënshkruar Marrëveshja ndërmjet Komunës së Gjilanit dhe FKEE për intervenim me masa të EE në SHFMU “Abaz Ajeti”.

Projekti ka vlerën prej 349,997.77 Euro, derisa punimet kanë filluar dhe sipas planit dinamik dhe kontratës me Operatorin Ekonomik realizimi i punimeve do përfundoj deri më 31 Gusht 2023.

DZHE gjatë kësaj periudhe ka përgatitur projekt propozimin për aplikim në thirrjen publike nga FKEE “Projekti Emergjent për Masat e Eficiençës së Energjisë në Ndërtesat Shumë-Banesore (sociale) në Pronësi të Komunës së Gjilanit.

Drejtoria ka aplikuar për dy objekte sociale në lagjen Bregu i djegur për intervenim me masa të EE ku do të përfitojnë 53 familje me 215 anëtarë nga ky projekt.

[illegible]

Drejtori për Zhvillim Ekonomik, ka ofruar informata dhe të dhëna me qëllim të përgatitjes së studimit të fizibilitetit për zonen ekonomike.

Gjithashtu, Komuna ka shpall njoftimin për dëgjim publik ku pritët që komuniteti i biznesit dhe ekspertët të ofrojnë propozime, komente dhe sygjërime në draft Studimin e Fizibilitetit me qëllim që dokumenti të jetë sa më kualitativ dhe në funksion të zhvillimit të qëndrueshëm ekonomik lokal.

Ky studim i hapë rrugë realizimit të zonës ekonomike pasi të jenë përmbushur të gjitha obligimet ligjore.

Gjatë kësaj periudhe Drejtoria për Zhvillim Ekonomik, ka bashkëpunuar ngusht me NPL “Tregu”, NPL “Stacioni i Autobusëve” dhe PPP “Eco-higjiena” me qëllim të kordinimit të veprimeve me kompanitë publike për të rritur efikasitetin, transparencën dhe cilësinë e shërbimeve për qytetarët e Komunës së Gjilanit. Vlen të përmendet së Komuna e Gjilanit ka ndarë buxhet në vlerë prej 116,000 Euro për subvencionim të NPL “Tregu” me qëllim të sigurimit të mekanizmit për mirëmbajtje të hapësirave publike si dhe mbështetje në qëndrueshmërinë financiare të kësaj ndërmarrje.

Drejtorja do të vazhdojë të bashkëpunojë ngushtë dhe është në kërkim të partneriteteve me të gjithë akterët relevant në nivel lokal dhe qendror, donatorë, shoqëri civile, komunitet të biznesit, me qëllim të koordinimit të iniciativave dhe aktiviteteve të cilat ndikojnë në rigjenerimin ekonomik, rritjen ekonomike si dhe përmirësimin në vazhdimësi të cilësisë së jetesës së qytetarëve.